



Bila je ovo prilika da se djeca druže

U Fabrici cementa Lukavac

Organiziran Dan otvorenih vrata

Fabrika cementa Lukavac za svoje sugrađane upričila je cjelodnevni program pod nazivom „Dan otvorenih vrata“. Kapije ovog preduzeća bile su širom otvorene, a ljubazni portiri djecu su dočekali sa sladoledima i balonima. Ovo je druga godina da se organizuje ova manifestacija a cilj je da se FCL približi lokalnoj zajednici, odnosno građanima.

U FCL, čiji 99-postotni vlasnik je Asamer grupacija iz Austrije, posebno su ponosni što je od prošle godine pušten u rad novi pogon koji zadovoljava sve evropske ekološke standarde. Zato su neki lukavačkoj cementari dali naziv „Zelena fabrika cementa“.

Posjetioци su se također mogli uvjeriti u besprijekorno uređene zelene površine u samom krugu ovog preduzeća, a bilo je dovoljno prostora i za održavanje malogometnog turnira za djecu do 14 godina u organizaciji škole fudbala „10“ Lukavac na kome je nastupilo 140 dječaka, te odbojka na pijesku za dječake i djevojčice, kao i zabavni sadržaji za najmlađe.



Zabavni sadržaji za najmlađe

M. Ka.